

## VÅGÅ FJELLSTYRE

## MØTEBOK

| Arkiv | Saksbehandlar | Møtedato | Sak nr. |
|-------|---------------|----------|---------|
| F250  | Knut Øyjordet | 11.09.19 | 31/19   |

**SØKNAD OM ETABLERING AV VEG TIL HYTTE VED LEMONSJØEN – ARNE HAMRE***Saksdokument:*

E-post frå Statskog av 30.08.19 med vedlegg.

*Saksutgreiing:*

Arne Hamre har søkt om å etablere ein tilkomstveg til hytta ved Lemonsjøen. Hytta ligg ved Lemonsjøosen på Valdesetersida. Det er ca. 100 meter frå eksisterande veg til hytta, i eit kupert terreng og med ei nokså stor myr. Dagens tilkomst er eit råk som går meir eller mindre langs Lemonsjøen frå Lemonsjøosen. Han skriv m.a. følgjande i søknaden til Statskog:

*Som nevnt disponerer vi en eldre hytte beliggende på Valdesætervegen 24 ved Lemonsjøen. Hytta er dårlig vedlikeholdt, og vi vurderer nå en rehabilitering av eiendommen. Dette er utfordrende grunnet mangel på vei og strøm, og vi undersøker parallelt mulighetene for å få innlagt strøm. Uten vei vil en rehabilitering også være vanskelig å gjennomføre. Vi ønsker derfor å forhøre oss om Statskog, som grunneier, har innsigelser mot etablering av veiforbindelse til hytta før vi eventuelt sender inn forespørsel til Vågå kommune. I kartutsnittet har undertegnede antydet en mulig trase for veien der den går ut fra veien inn til nr. 26, dette for å gjøre veien kort og dermed inngrep i naturen minst mulig.*

Statskog har oversendt søknaden til fjellstyret til uttale etter § 12 i Fjellova, og ber fjellstyret vurdere om tiltaket er til vesentleg skade for nokon med bruksrett. Søknaden med kart er kopiert og vedlagt saka. Før behandling av saka var fjellstyret på synfaring i området.

*Vurdering:*

Grunndisponeringstiltak kan etter reglane i § 12 i fjellova berre skje når det ikkje medfører vesentleg skade for nokon som har bruksrett, og under omsyn til prinsippa for naturvern. Det er slik at fjellstyret i ei slik sak må vurdere eventuelle konfliktar i forhold til bruksrett, samt naturvern- og friluftsinteressene.

I Langmorkje statsallmenning er det mange spreiddliggjande hytter, der somme ligg nære eksisterande veg og andre langt unna bilveg. Ein del av hyttene har i dag ein tilkomst som er farbar med personbil, og mange av desse vegane har sikkert kome som eit resultat av opparbeidning i samband med frakt ved bygging på hyttefestet.

I tidlegare behandlingar av søknader om å opparbeide ein heilt ny bilveg til hytte som ligg eit stykke unna eksisterande veg, så har fjellstyret generelt lagt seg på ei restriktiv linje. Likevel har det ofte i spørsmål om bygging på eit hyttefeste vorte forsøkt og funne ei løysing for frakt av materialar og utstyr, utan at det har medført ein permanent bilveg. Denne søknaden liknar mykje på andre søknader som fjellstyret ikkje har tilrådd, både ved Lemonsjøen og ved Flatningen.

---

| Adresse                  | Telefon     | Bankgiro      | E-post               |
|--------------------------|-------------|---------------|----------------------|
| Postboks 16<br>2684 VÅGÅ | 61 29 37 37 | 2085.25.13625 | vaga@fjellstyrene.no |

**Innstilling til vedtak:**

I søknad frå Arne Hamre om å etablere ein veg til hytta ved Lemonsjøen, viser fjellstyret til uttale i liknande saker, og frårår at det blir gjeve løyve. Det aktuelle området er kupert og med ei myr som gjer at bygging av ein veg her vil bli eit stort inngrep i naturen. Fjellstyret meiner det finst andre moglegheiter for transport av utstyr og materialar i samband med bygging/renovering på hyttefestet enn å byggje ein permanent bilveg.

**Vedtak:**

Samrøystes: Som innstillinga.

*Rett utskrift. Går til:*

Statskog

Vågåmo, 12.09.19

Knut Øyjordet (e.f)

---

| Adresse                  | Telefon     | Bankgiro      | E-post               |
|--------------------------|-------------|---------------|----------------------|
| Postboks 16<br>2684 VÅGÅ | 61 29 37 37 | 2085.25.13625 | vaga@fjellstyrene.no |